





乾隆十六年六月初一日大學士忠勇公臣傅

恒奉



上諭我朝統一區宇內外苗夷輸誠向化其衣冠狀
貌各有不同著沿邊各督撫於所屬苗徭黎僮以
及外夷番衆仿其服飾繪圖送軍機處彙齊呈覽
以昭王會之盛各該督撫於接壤處俟公務往來
乘便圖寫不必特派專員可於奏事之便傳諭知
之欽此

二 16
2242
1

皇清職貢圖

御製題皇清職貢圖詩

累洽重熙四海春

皇清職貢萬方均書文車軌誰能外方趾圓顛莫不
親那許防風仍後至早聞干呂已咸賓塗山玉帛千
秋述商室共球百祿臻詎是索疆恢此日亦惟

謨烈賴

前人唐家右相堪依例畫院名流命寫真西鰈東鷄
覲王會南蠻北狄秉元辰丹青非為誇聲教保泰承

皇清職貢圖

御題詩



麻慎拊循

乾隆辛巳秋

恭和詩

臣劉統勳恭和

梯航環望

帝京春翊戴遥歡

聖澤均端為

王酋昭赫濯盡教海宇識

尊親充庭玉帛三重陞殊製冠裳九列賓揚

烈觀

光功德溥遠來近悅後先臻奇厯共訂新增部安樂
渾忘異地名未耳聞身已到形因目睹繪
偏真江河別派歸溟渤星宿周天共北辰職
貢圖成

奎藻詠萬斯年永典章循

臣梁詩正恭和

覃敷

帝澤煦如春按牒欣看列貢均豈有版章分內外

早知拜舞並尊親飛車久已通聖講規律歲
來備九賓鞮寄東西殊俗紀共球大小萬邦
臻階前干羽恢

先烈域外梯航奉

聖人掌隸職方疆索廓編成王會畫圖真恰同蓋
地陳西母合並周天拱北辰指點
皇風遐邇處千秋綏遠識遵循

臣劉綸恭和

一家中外奉

王春舊隸新藩式

化均貢道夏書規自狹職方周制屬尤親冠裳異

用俾從朔臣僕同稱敢備賓九楚昧荒伊古

限

萬年清晏我

朝發名發別部通臚句字譯旁行彙舌人物土陳

風資考

治披圖系說取存古寅承

開國徠庭日快觀

恢疆輯瑞辰賡

詠恰宜隨

凱奏星輶里鼓記堪循

臣金德瑛恭和

藻采新樞萬彙春披來

聖澤邇遐均明堂日月

皇清職貢圖
恩威溥屬國梯航翼戴親犬馬有情知戀
主雁鴻依依似來賓

皇風景應蕃釐集王會歡從

壽域臻敢附凌烟聯劍珮欣隨舞獸覲

天人書中舊闕傳聞異班外新增面目真比物鑄
形存鼎鼐

鷹圖作繪麗星辰永藏冊府超前古履載無私

帝率循

臣董邦達恭和

無邊大地沐陽春底貢

彤庭辨土均八表車書同暨訖萬方玉帛共尊親

明駝毳帳開蔥嶺細馬金韉織罽賓折筮自

看咸率俾浮航寧敢憚遄臻虞階干羽承

前列禹甸璆琳致遠人玉府駢羅琛賁盛緹囊省識

畫圖真雨風和會凝

皇極星宿周環拱

諸臣恭和詩

北辰斧藻丹黃宣立本圖披王會更重循

臣裘曰修恭和

職貢圖開六合春東西南朔服維均淘金撈
玉方與異海誌山經覩記親心似露葵知所
向身隨陽鴈遠來賓唐虞以上初無紀秦漢
而還未克臻地或不毛咸我土類雖非種亦
吾人寧妨舊俗衣冠陋但被淳風面目真貳
負詎能殊甲子支祈早已付庚辰丹青冊府

垂彪炳世世蒙

麻永率循

臣于敏中恭和

王會圖登四表春獻琛奉朔凜惟均

定功誕播同風盛歸極羣懷就

日親奚啻旅獒西底貢還看候鴈北來賓漠裘濛

帕心咸讐聞玉宛駒跡並臻印笮翺依

干羽陞溟瀛鱗集卉皮人博陵漫詡場能擅司馬

應慙傳失真輿地志兼踰戍已勲臣

贊共紀庚辰

天章式示

詒謀遠文軌從今奕葉循

臣介福恭和

鴻圖式廓一家春亥步遥瞻道里均露犬紈牛

歸職貢雕題漆齒識

尊親漢庭漫說通烏弋唐室徒誇服罽賓寶玉河

千乘月現名駒海外蕭雲臻虬鬚酷肖

浴名手

鳳藻高翔仰

至人歸極永傳

今有赫鑿空始信古非真三階景運

三朝慶萬國歡心

萬壽辰之偃文修彰格被漸摩

聖化日循循

臣觀保恭和

帝澤能田絕莫春歸仁欣隸職方均共球小大懷

柔遠

雲日光華覆被親寶獻土河咸輯瑞

威宣月竈悉來賓占風測水何堪擬航海梯山莫

不臻五服茲傾導土訓四門鱗集

忽行人載鸞鳥譯狼歌廣爰寫文本草履真繪事

傳神輝

冊府版章式廓辨星辰自茲絡繹趨王會按籍

憑將粉本循

臣王際華恭和

六幕羣霑我澤春丹青窠宇邇遐均瞻雲豈

憚重趺會縮地從教萬里親籍按皇輿恢亥

步圖開昧谷接寅賓南夷象賂頻求獻青海

龍媒况畢臻寧為旅葵登異物偶緣孔鳥紀

方人明堂作繪還依古花面添毫却肖真彌

望風邱都八畫未分星野共朝辰充庭寫像

邀

鴻藻格被

敷高仰

舜循

臣錢汝誠恭和

紹麻

聖緒澤如春規外殫

恩效貢均鱗集瓊茸元日會來琛寶百寶觀典

儀棗幣臚方物畫史圖形備遠賓寶玉名駒

魚貫列雕題緩耳鴈行臻尻連款塞編都護

體薦迎門委舌人盤礴丹青毛髮動經營縑

素服裳真拓疆方喜逾西極受吏同趨拱北

辰直軼周書唐粉本永垂

隆軌萬年循

臣錢維城恭和

風調六幕徧生春屬國來同道里均如日方
中咸覆冒光天之下共尊親黃支烏弋通千
候丹穴空桐列九賓

累葉重熙增式廓諸蕃徯應恰駢臻分明繁露文閭
會指點雕題闕耳人僕鑿衣冠描欲肖兜離
言語譯偏真朝宗直擬川歸海環向遙同星
拱辰拓土况今踰二萬
威行捐毒與休循

臣寶光鼎恭和

我

皇底治澤如春綿宇

聲名職貢均

謨烈自承

三聖遠車書共識一家親為依故事圖王會正喜新
疆徠國賓置尉列郵皆綺錯制駝駕象盡雲
臻扶桑東影無分土弱水西流有度人海色

嶽形全欲似雕題
深日各成真珍
同蓋地輝元圃
象法周天拱
北辰保業底
須君爽訓
敷言作極
萬年循

臣蔣櫟恭和

驗風入貢世如春
四海梯航

帝澤均

德播外方皆面內

威加疏屬亦來親
千屯麥熟輸都護
九府流泉逮

屬賓自

昔幅員原式廓於

今琛賚更咸臻
明都聲暨寒門域
日際光臨月竈
人尹喤展時聽
稍辨顛類列處寫
全真豈誇右相昌
唐蹟直邁成周會
洛辰永共球圖
昭世寶

宸章炳煥億年循

皇清職貢圖

卷一

朝鮮國夷官

朝鮮國官婦

朝鮮國民人

朝鮮國民婦

琉球國夷官

琉球國官婦

琉球國夷人

琉球國夷婦

安南國夷官

安南國官婦

安南國夷人

安南國夷婦

安南國獠獍

安南國獠獍婦

暹羅國夷官

暹羅國官婦

暹羅國夷人

暹羅國夷婦

蘇祿國夷人

蘇祿國夷婦

南掌國夷官

南掌國官婦

南掌國老撾

南掌國老撾婦

緬甸國夷人

緬甸國夷婦

大西洋國夷人

大西洋國夷婦

大西洋合勒未祭亞省夷人

大西洋合勒未祭亞省夷婦

大西洋翁加里亞國夷人

大西洋翁加里亞國夷婦

大西洋波羅泥亞國夷人

大西洋波羅泥亞國夷婦

大西洋國黑鬼奴

大西洋國黑鬼奴婦

大西洋國夷僧

大西洋國女尼

小西洋國夷人

小西洋國夷婦

英吉利國夷人

英吉利國夷婦

法蘭西國夷人

法蘭西國夷婦

瑞國夷人

瑞國夷婦

日本國夷人

日本國夷婦

馬辰國夷人

馬辰國夷婦

汶萊國夷人

汶萊國夷婦

柔佛國夷人

柔佛國夷婦

荷蘭國夷人

荷蘭國夷婦

俄羅斯國夷官

俄羅斯國官婦

俄羅斯國夷人

俄羅斯國夷婦

宋厝勝國夷人

宋厝勝國夷婦

東埔寨國夷人

東埔寨國夷婦

呂宋國夷人

呂宋國夷婦

咖喇吧國夷人

咖喇吧國夷婦

嘛六甲國夷人

嘛六甲國夷婦

蘇喇國夷人

蘇喇國夷婦

亞利晚國夷人

亞利晚國夷婦

朝鮮國夷官



朝鮮國官婦



朝鮮古營州外域周封箕子於此漢末扶餘人高姓據其地改國號高句驪亦稱高麗唐李勣征之高氏遂滅至五代時有王建者自稱高麗王歷唐至元屢服屢叛明洪武中李成桂自立為王遣使請改國號為朝鮮

本朝崇德元年

太宗文皇帝親征克之其國王李倧出降封為朝鮮國王賜龜紐金印自是朝鮮遂服慶賀大典

俱行貢獻禮其國分八道四十一郡三十三
府三十八州七十縣王及官屬俱仍唐人冠
服俗知文字喜讀書飲食以籩豆官吏閑威
儀婦人裙襦加褙公會衣服皆錦繡金銀為
飾

朝鮮國民人



朝鮮國民婦



朝鮮國民人俗呼為高麗棒子戴黑白頭帽
 衣袴則皆以白布為之民婦辮髮盤頂衣用
 青藍色外繫長裙布襪花履崇釋信鬼勤於
 力作

琉球國夷官



琉球國官婦



琉球居東南大海中明初其國有三王曰中山曰山南曰山北皆以尚為姓而中山最強
 洪武間三王俱入貢至宣德時山南山北為
 中山所併

本朝定鼎其王航海輸誠遣使

冊封屢賜

御書匾額常遣陪臣子弟入監讀書其國有三十
 六島氣候常溫俗尚文雅鮮盜賊王與臣民

分土為祿地產五穀蔬果之屬夷官品級以
金銀簪為差等用黃綾絹摺圈為冠寬衣大
袖繫大帶官婦髻插金簪不施粉黛衣以錦
繡其長履足

琉球國夷人



琉球國夷婦



琉球國人多深目長鼻男服耕作營海利土
人結髻於右漢種結髻於中布衣草履出入
常攜雨蓋婦椎髻以墨黥手為花草鳥獸形
短衣長裙以幅巾披肩背間見人則升以蔽
面常負物入市交易亦工紡績

安南國吏官



安南國官婦



安南古交趾地唐以前皆隸中國五代時始
為土人竊據宋時丁氏黎氏皆三傳李氏八
傳無子傳壻陳氏明永樂間討黎季犛篡陳
氏之罪因郡縣其地後黎利構亂因而撫之
嘉靖中莫登庸篡黎氏旋為黎惟潭恢復
本朝康熙五年黎維禧款附因封為國王嗣後
五年一貢其地有東西二都十三道土地膏
腴氣候炎熱一歲二稔其夷目冠帶朝服多

仍唐制皂草為靴惟武官平頂紗帽靴尖雙
 出以為別貴家婦人披髮不笄耳帶金環以
 大小分等級內服繡襦外披氅衣履如芒屨

安南國夷人



安南國夷婦



安南國夷人性狡詐好浴信鬼神重喪祭附
山耕稼樹桑濱海捕魚煮鹽男子戴大白草
帽形如覆鑊長領大衣手持蕉扇曳履而行
貧者則短衣赤足勤於耕作婦女以帕蒙首
長衣長裙納履露踵相見以檳榔為禮善紡
績烹飪之事

安南國獬獬



安南國獠獯婦



獠獯交州苗裔在安南境內先隸交首管轄
因與滇省接壤

國初置開化府多居府屬逢春里之極邊生頑
悍嗜酒善用火器凡交地守關守廠以為兵
卒其僻處山箐者黑面環眼短衣短袴或捕
蛇鼠則生啖之婦人短衣長裙善弩亦能射
獵雍正八年以邊地四十里隸安南俾就近
管領約束



暹羅國大臣

暹羅國官婦



暹羅國在占城西南即隋唐赤土國後分羅
斛暹二國暹復為羅斛所併明洪武時封為
暹羅國王入

國朝尤恭順國貢惟謹其地方千里有大庫司
九府十四縣七十二官制九等其四等以上
戴銳頂金帽嵌以珠寶五等以下則以絨緞
為之衣錦繡及織金或花布短衣繫錦帶婦
人以金銀為簪釧約指上衣披五色花縵下

衣五綵織金花縵拖地長二三寸足履紅草
 鞞鞋其選舉皆引至王前咨以民事應對得
 當即授官服候用文字橫書有事則具書文
 朗誦呈之

暹羅國夷人



暹羅國夷婦



暹羅地卑濕民皆樓居坐卧即以樓板上籍
以氊席其風俗勁悍習於水戰好崇佛齋僧
餉象取牙以奉夷目男白布纏頭衣短衣曳
革履常佩刀劍婦女椎髻上衣披青藍布縵
下衣五色布短裙性喜遊冶亦工紡績俗重
女輕男家事皆取決於婦

蘇祿國使



蘇祿國夷婦



蘇祿在東南海中明永樂間其國有東西兩王又有峒王俱來朝貢後不復至

本朝雍正四年遣使入貢因定期五年一來其地氣候常熱人情強悍以取蚌珠為業山田瘠寡粟麥民率食魚蝦煮海為鹽釀蔗為酒不食豕肉剪髮裹頭去鬚留髯衣袴俱短絳帛繫腰露脛而著履女椎髻跣足短衣長裙以幅錦披肩能織竹為布

南掌國夷官



南掌國官婦



南掌古越裳氏地自周以來不通中國明永
 樂初部長刀線歹入貢始置軍民宣慰使萬
 歷中猶奉貢後不復至

本朝雍正八年其部長素馬喇薩遣其頭目叭
 猛花等奉金表稱南掌國王貢牝牡二象乾
 隆八年定為十年一貢其部長居高樓見者
 以貴賤為限貴者披髮覆肩紅巾紅衣婦人
 則挽髮束以紅帛短衣長裙體皆刺花性多

獷悍

南掌國老搨



皇清職貢圖

南掌國老撾婦



老撾俗呼為撾家即南掌夷民也男子披髮
 帶黑漆帽著青衣以疋布繞下體婦女挽髻
 以白布抹額白衣紅領繫花布桶裙俱跣足
 喜啖生肉知耕種勤紡織其近在普洱府東
 界外者常入內地貿易

緬甸國夫人



皇清御製

皇清御製

卷一

三

皇清御製

卷一

三

緬甸國夷婦



緬甸古朱波地在永昌府騰越州天馬虎踞
 諸關外其酋居阿瓦城元及明初雖示羈縻
 時多反覆嘉靖後莽瑞體父子雄長諸部自
 稱緬甸國王不通職貢

本朝順治十八年吳三桂領兵至阿瓦城東傳
 諭緬王傾心向化乾隆十五年其王莽達喇
 製金銀二鈿篆刻表文並貢塗金寶塔馴象
 緬布等物嗣為木梳酋長甕藉才所篡子嚮

惱憎駁相繼佔踞其夷官夷民服飾與南掌
 相似婦人束髮穿耳短衣圍以錦幅長裙性
 愛花卉其文字呈尊者用金葉書之次用紙
 次用檳榔葉謂之緬書

大西洋國夷人



大西洋國夷婦



大西洋明永樂間有古里瑣里忽魯謨斯凡
數十國來朝貢後多不復至萬歷中西洋人
利瑪竇航海來中國自稱意大里亞國人

本朝康熙六年通朝貢雍正三年意大里亞教
化王來貢五年博爾都噶爾亞國來貢乾隆
十八年復來其人奉天主教善行賈多富厚
肌膚白皙鼻昂而目深碧不畜鬚髮別編義
髮蒙首以黑氈折三角為帽短衣草履袴襪

東迫如行滕婦螺髮為髻領懸金珠寶石上
衣下裳用錦帕覆背謂之中縵俗重女輕男
相悅為婚有僑居香山縣之澳門者統以夷
目歲輸地租

大西洋合勒未祭亞山夷人



大西洋合勒未祭亞省夷婦



合勒未祭亞省屬熱爾瑪尼亞國中其人軀
體壯潤極忠義受德必報鄉內公設學塾習
武備者約居大半嘗有遊往他國彼君上必
用為侍衛之屬其地多山冬月甚冷善造室
婦人貞靜質直工作精巧能徒手交錯金絨
不用機杼布最輕細土生黃金掘井恒得金
塊河底常有豆粒金珠山產獐鹿兔豹家畜
大牛以供珍饈

大西洋翁加里亞國夷人



皇清職貢圖 卷一

大西洋翁加里亞國夷婦



翁加里亞國在波斯泥亞國南其人彷彿蒙古衣服甚短束縛袴襪有如行滕極穎悟尚禮貌幼習馳馬短頸善奔常帶彎刀長四尺每在馬上舞試婦人能通文字刺繡工巧出門必設紗綾蔽面物產極豐牛羊可供他州之用金銀銅鐵等物取之不竭

大西洋波羅泥亞國夷人



大西洋波羅尼亞國夷婦



波羅尼亞國在執爾瑪尼亞國東其人彷彿
 蒙古有髭無鬚去髮存頂編垂首後其地寒
 冷初秋至初夏皆衣皮裘如狐貉貂鼠之裘
 長蔽足首用皮冠好擊劍家豢熊羆以供戲
 玩婦人才能專持家務內外井井土產蜂林
 琥珀牛羊等物

大西洋國黑鬼奴



皇清職貢圖 卷一
大西洋國黑鬼奴婦



夷人所役黑鬼奴即唐時所謂崑崙奴明史亦載荷蘭所役名烏鬼生海外諸島初至與之火食累日洞泄謂之換腸或病死若不死即可久畜通體黝黑如漆惟唇紅齒白戴紅絨帽衣雜色粗絨短衫常握木棒婦項繫彩色布袒胸露背短裙無袴手足帶釧男女俱結黑草條為履以便奔走夷人雜坐以黑奴進食食餘傾之一器如馬槽黑奴男女以手

搏食夷屋多層樓處黑奴於下若主人惡之
錮其終身不使匹配示不蕃其類也

大西洋國夷僧



大西洋國女尼



大西洋有教化治世二王貿易者皆治世類
 夷僧則教化類也奉天主耶穌像夷人敬信
 之有大事疑獄不能決必請命焉其法王削
 髮留鬚帶青斗帽衣緇衣出入張蓋樹幡幢
 僧雜衛之男女見之輒跪捧足俟過乃起凡
 通曉天官家言曾遊京師者皆留髭鬚解華
 語能制儀器

大西洋國女尼以白布纏領及胸緇縵緇衣
草帶草履夷人敬奉尤甚於僧一女為尼一
家皆為佛眷人罹重辟得尼片紙立宥之然
其始必捐千金歸公既入寺則終身不出其
在澳門者僧居三巴寺龍鬆廟等處尼亦別
立寺廟戒律頗嚴

小西洋國夷人



小西洋國夷婦



小西洋去中土萬里屬於大西洋遣夷目守
之衣冠狀貌與大西洋畧同常披氅衣藏兵
器夷婦青帕蒙首著長衣圍錦幅於前摺袖
革履喜執繡譜以習針黹

英吉利國夷人



皇朝新圖
卷一

皇朝新圖
卷一

四十五

英吉利國夷婦



英吉利亦荷蘭屬國夷人服飾相似國頗富
男子多著哆囉絨喜飲酒婦人未嫁時束腰
欲其纖細披髮垂肩短衣重裙出行則加大
衣以金縷合貯鼻烟自隨

法蘭西國夷人



皇朝通志
卷一百一十九
人

皇朝通志
卷一百一十九
人

法蘭西國夷婦



法蘭西一曰弗郎西即明之佛郎機也自古
 不通中國正德中遣使請封貢不果後遂闡
 入香山之澳門其人強橫精兵械屢破呂宋
 滿刺加與紅毛中分美洛居盡擅閩粵海上
 之利初奉佛教後奉天主教故澳門市易為
 大西洋所據其酋居呂宋者近與紅毛之英
 吉利爭雄長而法蘭西亦稍弱焉夷人冠白
 巾加黑氈帽亦以脫帽為禮其服飾與大小

西洋呂宋畧同夷婦妝束亦頗與荷蘭諸國相類

瑞國夷人



皇清職貢圖 卷一
喘國夷婦



喘亦荷蘭屬國貿易於粵其脫帽為禮與荷
蘭相類短衣草履常執藤鞭衛身夷婦方領
露胸衣外束裙摺袖舒袂以草為履底綴方
木似屐喜以金縷合貯鼻烟時時吸之

日本國夷婦



日本古倭奴國唐改日本以近東海日出而
名也地環海有五畿七道三島宋以前皆通
中國明洪武初常表貢方物而夷性狡黠時
剽掠沿海州縣叛服無常俗崇釋信巫嗜酒
輕生亦習中國文字讀以土音立法頗嚴鮮
爭訟竊盜居處飲食有古法其器用製造精
巧物產亦饒男髡頂跣足方領衣束以布帶
出入佩刀劍婦挽髻插簪寬衣長裙朱履能

織絹布

馬辰國夷人



馬辰國夷婦



馬辰國即文郎馬神在東南海中相傳漢馬
援南征士卒之裔其地多水惟夷目得陸居
夷人則架筏水上覆以板屋俗尚釋教而性
強悍男女無敢私合以採藤拾椒為業男剪
髮勒以紅帛腰圍花罽出入必佩刀劍常負
竹筐以盛椒女袒身跣足繫布裙過膝間披
幅帛於胸背汲水則戴瓦瓶於首

汶萊國夷人



汶萊國夷婦



汶萊國即唐時婆羅國東洋盡處西洋所自
起也明永樂間常入貢相傳夷目係閩人隨
鄭和往因據其地負山面海崇釋教惡殺喜
施禁食豕犯者至死以伐木採藤為業男剪
髮裹絳帛去鬚留髯與蘇祿相似女散髮垂
肩結巾於項著衣裙而跣足

桑佛國夷人



柔佛國夷婦



柔佛國在西南海中其地有東西竺山覆茅
為屋列木為城地不產穀常易於鄰壤尚釋
教持齋累月見星方食以刀刺茭葦葉為文
字婚姻亦論門閥男俱剪髮帽如覆椀銅絲
為胎冪以白布衣袴俱短圍花巾於腰身不
離刃婦垂髻跣足短衣長裙披錦繒於肩與
蘇祿相似善織席

荷蘭國夷人



荷蘭國夷婦



荷蘭又名紅毛番地近佛郎機明萬歷間常
駕大艦泊香山澳求貢市不果已而入閩據
澎湖侵臺灣地

國朝順治十年始由粵通貢康熙初助大兵征
臺有功嗣後貢市不絕其貢道改由福建夷
人黑氈為帽遇人則免冠挾之為禮著錦
繡絨衣握鞭佩劍夷婦青帕蒙頭領圍珠石
肩披巾縵敞衣露胸繫長裙以朱草為履其

地有咖喇吧為南洋之會又析其名曰喘曰
英吉利

俄羅斯國夷官



俄羅斯國官婦



俄羅斯地在極北漢時之堅昆丁令唐時之
 黠戛斯骨利幹元時之阿羅思吉利吉斯等
 部皆其地也有明三百年未通中國

本朝康熙十五年八貢二十八年遣內大臣索
 額圖等與其使臣費耀多囉等定以格爾必
 齊河為界自後朝貢貿易每間歲一至其夷
 官披髮戴三角黑檀帽穿窄袖短衣履草靴
 出必佩劍官婦則戴紅頂三角帽繫五色長

桶裙披織錦無袖短衣或以貂皮為裏俗以去髮為姣好以免冠為恭敬

俄羅斯國夷人



皇清職貢圖

卷一

俄羅斯國夷婦



俄羅斯地有八道稱為斯科每一斯科又各
 分小斯科俱設官管轄其民聚處城堡居止
 有廬舍水陸有舟車服羶罽喜飲酒屑麥為
 餅不飯食性矜夸貪得尚浮屠自國王至庶
 民有四季大齋數十日

宋牯勝國夷人



宋腊勝國夷婦



宋腊勝乃暹羅屬國其人多以耕漁為業性
 情褊急其齋僧飼象與暹羅相類男蓄髮去
 其髯首插雉尾腰束疋帛短衣而窄袴無履
 襪常佩刀劍女椎髻跣足短衣長裙披帛於
 肩頗能知紡績

東埔寨國夷人



東埔寨國夷婦



東埔寨即真臘國介安南暹羅間隋唐及宋
皆朝貢明初亦常至初稱甘孛智萬歷中改
今名人情柔弱喜飼象演之為陣用以禦敵
常帶劍入山取犀角獻於夷目男剪髮裹頭
身衣僅蔽下體女挽髻露肘臂惟蔽其乳圍
裙跣足能採桑飼蠶亦能織席

呂宋國夷人



呂宋國夷婦



呂宋居南海中去閩之漳州甚近明初朝貢
萬歷中為佛郎機所併而仍其國名佛郎機
在占城西南先是滅滿刺加又與紅毛中分
美洛居至是破呂宋益富強多僑居香山澳
門貿易夷人居呂宋者長身高鼻猫睛鷹嘴
服飾與大小西洋畧同婦盤髻施簪珥方領
露胸短衣長裙裙裏襯藤圈二三層常執帕
以蓋髻

喇吧國夷人



咖喇吧國夷婦



咖喇吧本瓜哇故土為荷蘭蕙併華人之貿
易者多流聚於此性工巧饒謀慮室宇壯麗
器具精緻夷人花帛纏頭短衣束腰繞布幅
為裙跣足手持木棒有爵者鐫字於上以為
別夷婦垂髻施簪珥以花布纏上體短衣長
裙露胸跣足善裁製縫紉性嗜啖果

麻六甲國夷人



麻六甲國吏婦



麻六甲即滿刺加在占城南明初服屬暹羅
永樂中其酋遣使入貢封為國王並勒碑文
於其國之鎮山後為佛郎機所侵奪嘉靖時
敕還其地迄無應者今則為荷蘭所屬其性
情機巧器用精緻亞於喇吧男以色布纏
頭長衣短袴露脰曳屣女推髻跣足垂珠於
項短衣長裙頗工縫紉

蘇利國夷人



蘇喇國夷婦



蘇喇國即回回國在西南或云本蘇門答刺
 為漢條支唐波斯大食二國地大時溫暖無
 麥有禾一歲二稔多產寶石香藥俗頗淳厚
 性亦柔善白布纏頭蓄鬚髮著素衣肩披花
 帛束腰佩劍婦披髮不笄額下胸前多飾金
 珠家居常喜現體跣足出行仍以大布蒙首

主陣

亞利晚國夷人



皇清職貢圖 卷一
亞利晚國夷婦



亞利晚國在西洋與回回國相近天氣溫和
風俗淳厚夷人戴八角帽著長衣采色相間
文如柳條窄袖束腰躡草履夷婦披髮不笄
以青帕蒙首及背領飾金銀著長衣常持盥
器善事女工

皇清聰貢圖

卷一

十一



